



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Parallelæ Geographiae Veteris Et Novae**

**Briet, Philippe**

**Parisiis, 1648**

§. 2. De circulis Sphaerae.

**urn:nbn:de:hbz:466:1-13147**

PRIMÆ PARTIS LIB. II. 15

QVINTA. circulus Sphære maior est qui Sphaeræ partem conuexam in duas partes æquales secat, ut N. I. Minor autem, qui eam in portiones inæquales diuidit: ut L. M. &c.

SEXTA. omnis circulus siue maior siue minor, olim in sexaginta partes secabatur, nunc in trecentas sexaginta, quas Geographi vocant *Gradus*, & has iterum in sexaginta, quas *Minuta*, aut *Scrupulos* nominant.

CAPUT II.

De Polis.

POLVS dicitur à Græco πόλω verbo, quod circa illum cælestis machina circumoluatur; appellatur quoque *vertex*, & duplex assignatur *Arcticus* & *Antarcticus*.

ARCTICVS nomen accepit ab Arcto seu Vrsâ vicino sidere, cuius stella borealior iam diffidet tantum à Polo 2. gradibus cum 30. minutis ut vulgo creditur, seu 40. ut periti malunt. Olim totis gradibus duodecim cum minutis 24. ab eodem Polo disiunctus erat. Dicitur aliter *Borealis*, & semper *apparens*.

ANTARCTICVS sic appellatur, vel quia est *oppositus*, vel quia est *equalis* Arcticu: vtrumque enim significat particula *ārē*. Vocatur aliter *Notius*, *Australis*, & *semper latens*, videlicet respectu eorum, qui ab *Æquatore* versus *Arcticum* declinant.

§. 3. De circulis Sphærae.

Circulorum in Sphærâ alij maiores sunt, alij minores.


Maiores circuli sex.

COLVRVS dicitur à κολύς mitulo, quia pars versus *Antarcticum* nobis mutilata videtur, & latet. Hic porro duplex.

SOLSTITIORVM, secans Cancerum, & Capricornum, in quibus signis Sol videtur stare, diebus ad sensum neque crescentibus, neque decrescentibus.

ÆQUINOCTIORVM Colurus stringit Libram & Arietem, in quibus signis contingunt æquinoctia.

SPHÆRA ARMILLARIS.



HORIZON à voce ὄπος terminus, à Latinis *Finitor*, & à veteribus *Oceanus*, diuiditur in Rationalem & Sensibilem.

*Rationalis*, seu *Naturalis*, & *Artificialis* Mundum in duas partes æquales secat, & duobus modis diuiditur: *Respectu terræ*, in *Rectum* cuius vertex dictus *Zenith* secat *Æquatorem* ad perpendiculum, & *Obliquum* cuius vertex demissus facit angulos inæquales: *Respectu autem celi* in *Planum* qui ex humili loco videtur, & *Turbinatum* qui ab excelsa.

*Sensibilis* autem circumscribitur visione nostrâ: qui ex loco plano, in obiectum item in plano constitutum, ut in mari & patenti æquore, non ultra 2840. passus Geometricos porrigitur.

**ZODIACVS**, seu *Orbis signifer*, est Circulus obliquus *Æquatorem* secans, in quo planetæ suas periodos decurrunt. Nomen accepit à voce ζῳον animal, quia pleraque signorum, animalia sunt: vel à ζωή vita, quia ex eo vita animantium pendet. In Zodiaco autem considerantur longitudo, & latitudo.

*Latitudo* olim ad 12. gradus extendebat, nunc verò ad sexdecim, quoniam ab utrâque æquatoris parte, 8. gradibus Planetæ quidam aberrant.

*Longitudinem* autem Zodiaci constituit **ECLIPTRICA**, quæ est linea Zodiaci media, in qua fiunt Eclipses Solis & Lunæ, diuisa in duodecim signa, quorum singula in 30. gradus iterum diuiduntur, signa autem cum characteribus suis sic exprimuntur:

♈	♉	♊	♋	♌	♍	♎
Aries :	Taurus :	Gemini :	Cancer :	Leo :	Virgo :	Libra :
♏	♐	♑	♒	♓	♓	♓
Scorpius :	Arcitenens :	Caper :	Amphora :	Pisces,		
Sagittarius :	Capricornus :	Aquarius :				

**ÆQUATOR**, seu *Æquinoctialis*, & *Æquidialis* est linea quam cum Sol decurrit, ubique gentium noctes æquantur diebus, præterquam sub polo.

**MERIDIANVS**, seu *linea mediæ celi*: est linea cui suppositi populi simul habent meridiem, modò Sol illis affulgeat. Vbi tamen obseruabis Meridianum duobus modis sumi, 1° pro gradu longitudinis, & tum Meridianus simpliciter dicitur: 2° pro circulo totum orbem ambiente, & tum *Meridianus Maior* appellatur, & definiri potest linea cui suppositi populi simul habent meridiem aut medium noctem.

## Minores circuli quatuor.

POLARES circuli duo sunt, totidemque Tropici Sphæram inæqualiter diuidentes. Et *Polares* dicuntur à Polis à quibus distant 23. Gradibus cum dimidio: *Tropici* autem à τείπω νέρο, quod ab illis Sol cursum suum reflectat, 23. quoque Gradibus cum dimidio ab Æquatore disiuncti.

POLARIS CIRCVLVS ARCTICVS olim diuersus erat pro varietate locorum: nam ab antiquis vulgo definitur *Maximus apparentium nobis circulorum*: Nunc autem fixus est, & in tabulis omnibus 23. Gradibus cum dimidio à polo Arctico dissidet.

POLARIS CIRCVLVS ANTARCTICVS definiebatur ab antiquis *Maximus non apparentium circulorum*, ac proinde secundum loca varia, varius erat: nunc autem 23. Gradibus cum à polo Antarcticō separatur.

TROPICVS CANCRI est circulus maximè Borealis, quem Sol suâ conuersione 24. horarum describit.

TROPICVS CAPRICORNI est circulus maximè Australis, quem Sol suo circuitu notat.

## §. 4. De popularum situ.

CONSIDERATVR ille situs penes Zonas, Vmbras, Habitationem, & Dextram, vel Sinistram.

## NUM. I. Situs popularum secundam Zonas.

*De Zonis* tres falsæ opiniones veterum extiterunt, una vera.

LVCETIUS enim tantum duas admittebat.

POLYBIUS & POSSIDONIUS sex: quoniam duas Torridas numerabant.

MARTIANVS CAPELLA decem: quoniam quinque vulgo receptas bifariam diuidebat.

VERA OPINIO admisit quinque Zonas, duas frigidas, totidem temperatas, & Torridam unam.

FRIGIDA BOREALIS Saturno sacra circulo polari Arctico includitur.